

## Великий покаянный канон

И четет предстоятель житие преподобныя Марии, статью 1-ю.\*

Посем чтец: Гóсподи, помíлуй (трижды). Сла́ва, и ны́не: и четет псалом 50.

Возгашений же Спаси́, Бóже, лю́ди Твоя́: и Мíлостию и щедро́тами: несть.

И абие начинаем Великий канон косо, и с сокрушенным сердцем и гласом, творяще на кийждо тропарь метания три. Песней не стихословим. Глас 6.

### Песнь 1

Ирмос:

Муз. Д. Бортнянского  
(в упрощенной редакции)

По - мощ - ник и По - кро - ви - тель бысть


мне во спа - се - ни - е, Сей мой Бог, и про -

слав - лю Е - го, Бог От - ца мо - е - го, и

воз - не - су Е - го, слав - но бо про сла - ви - ся.

\* По устойчивой традиции в приходских храмах житие преподобной Марии вычитывают на две статьи, после кафисмы с седальными и после 3-й песни канона. Текст жития см. в Приложении.

Припеваем к тропарям:



(Прочие припевы поются на ту же мелодию)

**Откúду начnú пла́кати ока́ннаго моего́ жити́я дея́ний? Ко́е ли положú нача́ло, Христе́, ны́нешнему рыда́нию? Но, я́ко Благоутро́бен, даждь ми прегреше́ний оставле́ние.**

**Гряди́, ока́нная душе́, с плóтию твоёю, Зиждите́лю всех испове́ждься, и оста́нися прóчее прéжняго безсловéсия, и принеси́ Бо́гу в покая́нии слéзы.**

**Первозда́ннаго Ада́ма преступле́нию поревновáв, позна́х себе́ обнаже́на от Бо́га, и присносу́щнаго Ца́рствия, и сла́дости, грех ра́ди мои́х.**

**Увы́ мне, ока́нная душе́, что уподо́билася еси́ пёрвей Еве? Ви́дела бо еси́ зле, и уязви́лася еси́ го́рце, и косну́лася еси́ дрéва, и вкуси́ла еси́ дерзостно безсловéсныя снéди.**

**Вме́сто Евы чу́вственныя, мы́сленная ми бысть Ева, во плóти стра́стный по́мысл, показу́яй сла́дкая и вкуша́яй при́сно го́рькаго напоéния.**

**Досто́йно из Еде́ма изгна́н бысть, я́ко не сохрани́в еди́ну Твою́, Спа́се, за́поведь, Ада́м: аз же что постраждú, отметáя всегда́ живóт-ная Твоя́ словéса?**

**Ка́иново прешéд убийство, произволéнием бых убийца со́вести душе́вней, оживи́в плоть, и воева́в на ню лука́выми мои́ми дея́ньми.**

**Авелеве, Иису́се, не уподо́бихся правде, да́ра Тебе́ приятна не принесóх когда́, ни дея́ния божéственна, ни жéртвы чи́стыя, ни жити́я непорóчнаго.**

**Я́ко Ка́ин и мы, душе́ ока́нная, всех Содéтелю дея́ния сквёр-ная, и жéртву порóчную, и непотрэ́бное жити́е принесóхом вку́пе: тёмже и осуди́хомся.**

**Бре́ние Зда́тель живосозда́в, вложи́л еси́ мне плоть, и ко́сти, и дыха́ние, и жизнь; но, о Тво́рче мой, Изба́вителю мой и Судие́! ка́ющася приими́ мя.**

**И**звещаю Ти, Спа́се, грехи́, я́же содеях, и души́ и те́ла моего́ я́звы, я́же внутрь убийственнии по́мыслы разбо́йнически на мя возложи́ша.

**А**ще и согреши́х, Спа́се, но вем, я́ко Человеколюбец еси́, наказу́еши ми́лостивно и милосе́рдствуеши те́пле: слезя́ща зри́ши и притека́еши, я́ко Оте́ц, призыва́я блу́днаго.

**П**ове́ржена мя, Спа́се, пред враты́ Твои́ми, понé на ста́рость не отри́ни мене́ во ад тща, но пре́жде конца́, я́ко Человеколюбец, даждь ми прегрешéний оставле́ние.

**В** разбо́йники впадýй аз есмь помышлénными мои́ми, весь от них уязви́хся ны́не, испо́лнихся ран, но, Сам ми предста́в, Христé Спа́се, исцели́.

**С**вяще́нник, мя предвидéв, мимо́ иде, и левит, видéв в лю́тых на́га, презре́, но, из Мари́и возсия́вый, Иису́се, Ты, предста́в, ущéдри мя.

**А**гнче Бо́жий, взéмляй грехи́ всех, возьми́ брэ́мя от мене́ тяжкое грехо́вное и, я́ко Благоутро́бен, даждь ми слéзы умилéния.

**П**окая́ния вре́мя, прихожду́ Ти, Созда́телю моему́, возьми́ брэ́мя от мене́ тяжкое грехо́вное и, я́ко Благоутро́бен, даждь ми слéзы умилéния.

**Н**е возгнуша́йся мене́, Спа́се, не отри́ни от Твоего́ лица́, возьми́ брэ́мя от мене́ тяжкое грехо́вное и, я́ко Благоутро́бен, даждь мне грехопадéний оставле́ние.

**В**о́льная, Спа́се, и нево́льная прегрешéния моя́, явлéнная и сокровéнная, и ве́домая, и неве́домая, вся прости́в, я́ко Бог, очисти́ и спаси́ мя.

**О**т ю́ности, Христé, за́поведи Твоя́ преступи́х, всестра́стно небре́гий, уны́нием преидо́х жити́е. Те́мже зову́ Ти, Спа́се, понé на конец спаси́ мя.

**Б**огáтство мое́, Спа́се, изнури́в в блудé, пуст есмь плодо́в благочестивых, а́лчен же зову́: Отче щедро́т, предварив, Ты мя ущéдри.

**Т**ебе́ припадаю́, Иису́се, согреши́х Ти, очисти́ мя, возьми́ брэ́мя от мене́ тяжкое грехо́вное и, я́ко Благоутро́бен, даждь ми слéзы умилéния.

**Н**е вни́ди со мно́ю в суд, нося́ моя́ дея́ния, словеса́ изыску́я и исправля́я стремлéния. Но, в щедро́тах Твои́х презира́я моя́ лю́тая, спаси́ мя, Всеси́льне.

Иный канон, преподобных матере нашея Марии Египетския.

Глас и ирмос тойже.

**Припев: Преподобная мати Маріе, моли́ Бóга о нас.**

Ты ми даждь светозáрную благодáть, от Божéственнаго свы́ше промышлénия, избежáти страстéй омрачénия и пéти усéрдно твоегó, Маріе, житія́ красная́ исправлénия.

**Преподобная мати Маріе, моли́ Бóга о нас.**

Приклóншися Христóвым Божéственным закóном, к сему́ приступіла еси́, слáдостей неудержімая стремлénия оста́вивши, и всякую добродéтель всеблагóговéйно, я́ко едіню, исправила еси́.

**Преподобне óтче Андрéе, моли́ Бóга о нас.**

Моли́твами твоими́ нас, Андрéе, избáви страстéй безчéстных и Цáрствія ны́не Христóва óбщники, véрою и любóвию воспевáющія ты, слáвне, покажи́, мо́лимся.

**Слáва Отцú и Сы́ну и Свято́му Дúху.**

Пресúщественная Трóице, во Едінце покланя́емая, возьми́ брéмя от менé тяжкое грехóвное и, я́ко Благоутрóбна, даждь ми слéзы умилénия.

**И ны́не и прісно и во véки веко́в. Ами́нь.**

Богорóдице, Надéжде и Предстáтельство Тебé пою́щих, возьми́ брéмя от менé тяжкое грехóвное и, я́ко Влады́чица Чістая, ка́ющася приими́ мя.

## Песнь 2

**Ирмос:**

Вон\_ми, не\_бо, и воз\_гла\_го\_лю, и вос\_по\_ю Хрис\_

та, от Де\_вы Пло\_ти\_ю при\_шед\_ша\_го.

**Помилуй мя, Бóже, помилуй мя.**

**Вонми́, Не́бо, и возглаго́лю, землѣ, внуша́й глас, ка́ющийся к Бо́гу и воспева́ющий Его́.**

**Вонми́ ми, Бóже, Спа́се мой, ми́лостивным Твои́м о́ком и приими́ моѐ тёплое испове́дание.**

**Согреши́х па́че всех челове́к, еди́н согреши́х Тебе́; но уще́дри, я́ко Бог, Спа́се, творѣние Твоѐ.**

**Бу́ря мя злых обдержи́т, Благоутро́бне Го́споди; но, я́ко Петру́, и мне ру́ку прости́.**

**Сле́зы блудни́цы, Ще́дре, и аз предлага́ю, очисти́ мя, Спа́се, благоутро́бием Твои́м.**

**Омрачи́х душе́вную красоту́ страсте́й сластьми́ и всячески весь ум персть сотвори́х.**

**Раздра́х ны́не оде́жду мою́ пе́рвую, ю́же ми изтка́ Зижди́тель изнача́ла, и оттуду́ лежу́ наг.**

**Облеко́хся в раздра́нную ри́зу, ю́же изтка́ ми зми́й сове́том, и стыжду́ся.**

**Возре́х на садо́вную красоту́ и прельсти́хся умом: и оттуду́ лежу́ наг, и срамля́юся.**

**Де́лаша на хребте́ моём вси нача́льницы страсте́й, продолжа́юще на мя беззако́ние их.**

**Погуби́х первозда́нную добро́ту и благоле́пие моѐ, и ны́не лежу́ наг, и стыжду́ся.**

**Сшива́ше ко́жныя ри́зы грех мне, обнажи́вший мя пе́рвыя боготка́нныя оде́жды.**

**Обложѣн есмь одея́нием студа́, я́коже ли́ствием смоко́вным, во обличѣние мои́х самовла́стных страсте́й.**

**Оде́яхся в сра́мную ри́зу и окровавле́нную студи́но, течѣнием стра́стного и любосла́стного живота́.**

**Оскверни́х плоти́ моея́ ри́зу и окаля́х е́же по о́бразу, Спа́се, и по подо́бию.**

**Впадо́х в стра́стную па́губу и в веще́ственную тлю, и отто́ле до ны́не враг мне досажда́ет.**

**Любове́щное и любоимѣ́нное жити́е невоздержани́ем, Спа́се, предпочѣ́т, ны́не тяжким бре́менем обложѣн есмь.**

**Украси́х плотскі́й о́браз, скверных помышле́ний разли́чным обложѣ́нием, и осужда́юся.**

**Вне́шним приле́жно благоукраше́нием еди́нем попеко́хся, вну́треннюю презре́в богообра́зную ски́нию.**

**Вообрази́в мои́х страсте́й безобра́зие, любосла́стными стремле́ньми погуби́х ума́ красоту́.**

**Погребо́х пе́рваго о́браза добро́ту, Спа́се, страстьми́, ю́же, я́ко иногда́ дра́хму, взыска́в, обря́щи.**

## В четверток на утрени

Согреших, якоже блудница, вопию Ти, еди́н согреших Тебе́: яко миро, приими́, Спа́се, и моя́ слéзы.

Поползо́хся, яко Дави́д, блу́дно и оскверни́хся: но омы́й и мене́, Спа́се, слеза́ми.

Очи́сти, якоже мыта́рь, вопию́ Ти, Спа́се, очи́сти мя: никто́же бо су́щих из Ада́ма, якоже аз согреших Тебе́.

Ни слез, ниже́ покая́ния има́м, ниже́ умилéния: Сам ми сия́, Спа́се, яко Бог, да́руй.

Дверь Твою́ не затвори́ мне тогда́, Го́споди, Го́споди, но отве́рзи ми сию́, ка́ющемуся Тебе́.

Человеколю́бче, хотя́й всем спасти́ся, Ты воззови́ мя и приими́, яко Благ, ка́ющагося.

Внуши́ въздыха́ния души́ моея́, и о́чию моею́ приими́ ка́пли, Спа́се, и спаси́ мя.

**Пресвятая Богородице, спаси нас.**

Пречи́стая Богоро́дице Де́во, еди́на Всепéтая, моли́ приле́жно, во е́же спасти́ся нам.

**Иный ирмос:**



Ви - ди - те, ви - ди - те, я - ко Аз есмь



Бог, ман - ну о - дож - ди - вый и



во - ду из ка - ме - не ис - то - чи - вый дров - ле в пус -

ты - ни лю - дем Мо - им дес - ни - це - ю е -

ди - но - ю и кре - пос - ти ю Мо - е - ю.

**Помілуй мя, Бóже, помілуй мя.**

**В**идите, видите, яко Аз есмь Бог; внушай, душе моя, Господа вопиющая, и удалися прежняго греха, и бойся, яко неумытнаго и яко Судий и Бога.

**К**ому уподобилася еси, многогрешная душе? Токмо первому Каину и Ламеху оному, каменовавшая тело злодействы и убившая ум безсловесными стремленьми.

**В**ся прежде закона претекши, о душе, Сифу не уподобилася еси, ни Еноса подражала еси, ни Еноха предложением, ни Ноя, но явилася еси убога праведных жизни.

**Е**дина отверзла еси хляби гнева Бога твоего, душе моя, и потопила еси всю, якоже землю, плоть, и деяния, и житие, и пребыла еси вне спасительнаго ковчега.

**М**ужа убих, глаголет, в язву мне, и юношу в струп, Ламех рыдая вопиаше; ты же не трепещеши, о душе моя, окалявши плоть, и ум осквернивши.

**О** како поревновах Ламеху, первому убийце! Душу яко мужа, ум яко юношу, яко брата же моего тело убив, яко Каин убийца, любосластными стремленьми.

**С**толп умудрила еси создати, о душе, и утверждение водрузити твоими похотьми: аще не бы Зиждитель удержал советы твоя, и низвергл на землю ухищрения твоя.

**У**язвихся, уранихся, се стрелы вражия, уязвившия мою душу и тело; се струпы гноения, и омрачения вопиют, раны самовольных моих страстей.

Одожди Господь от Господа огонь иногда, на беззаконие гневающее, сожёт содомляны; ты же огонь вжегда еси геенский, в нёмже имаши, о душе, сожещися.

Разумейте и видите, яко Аз есмь Бог, испытаяй сердца, и умучаяй мысли, обличаяй деяния, и поपालаяй грехи, и судяй сиру, и смирену, и нищу.

**Преподобная мати Марие, моли Бога о нас.**

Простёрла еси рuce твои к Щедрому Богу, Марие, в бездне зол погружаемая; и якоже Петру человеколюбно руку Божественную простре, твоё обращение всячески иский.

**Преподобная мати Марие, моли Бога о нас.**

Всем усердием и любовью притекла еси Христу, первый грехá путь отвращши, и в пустынях непроходимых питающися, и Того чисте совершаючи Божественныя заповеди.

**Преподобне отче Андрее, моли Бога о нас.**

Видим, видим человеколюбие, о душе, Бога и Владыки; сего ради прежде конца Тому со слезами припадём, вопиюще: Андрея молитвами, Спасе, помилуй нас.

**Слава Отцу и Сыну и Святому Духу.**

Безначальная, Несозданная Троице, Нераздельная Единице, кающаяся мя прими, согрешивша спаси: Твоё есмь создание, не презри, но пощадí и избáви мя огненного осуждения.

**И ныне и присно и во веки веков. Аминь.**

Пречистая Владычице, Богородительнице, Надеждо к Тебе притекающих и Пристанище сущих в буре, Милостиваго и Создателя и Сына Твоего умилостиви и мне молитвами Твоими.

### Песнь 3

**Ирмос:**

На не - дви - жи - мом, Хрис - те, ка - ме - ни за - по - ве - дей Тво -  
их у - твер - ди мо - е по - мыш - ле - ни - е.



**Помилуй мя, Бóже, помилуй мя.**

**О**гнь от Гóспода иногда Гóсподь одождив, зéмлю Содóмскую прéжде попали.

**На** горé спасайся, душé, я́коже Лот óный, и в Сигóр угонзай.

**Бéгай** запалéния, о душé, бéгай содóмскаго горéния, бéгай тлéния Божéственнаго пла́мене.

**И**сповéдаюся Тебé, Спáсе, согрешíх, согрешíх Ти: но осла́би, оста́ви ми, я́ко Благоутрóбен.

**С**огрешíх Тебé едín аз, согрешíх пáче всех, Христé Спáсе, да не прéзриши менé.

**Т**ы еси́ Пáстырь Дóбрый, взыщи́ менé, агнца, и заблúждшаго да не прéзриши менé.

**Т**ы еси́ Слáдкий Иису́се, Ты еси́ Создáтель мой: в Тебé, Спáсе, оправдáюся.

**Пресвятáя Трóице, Бóже наш, сла́ва Тебé.**

**О** Трóице Едíнице, Бóже, спаси́ нас от прéлести, и искушéний, и обстоя́ний.

**Пресвятáя Богорóдице, спаси́ нас.**

**Рáдуйся,** Богоприятная утрóбо, рáдуйся, престóле Гóсподень, рáдуйся Мáти жízни нáшея.

**Иный ирмос:**

Ут - вер - ди, Гос - по - ди, на ка - ме - ни за - по - ве -

дей Тво - их под - виг - ше - е - ся серд - це мо - е,

## В четверток на утрени



**Поми́луй мя, Бо́же, поми́луй мя.**

**Исто́чник живо́та стяжа́х Тебе́, сме́рти Низложи́теля, и вопию́ Ти от се́рдца моего́ пре́жде конца́: согреши́х, очисти́, спаси́ мя.**

**При Но́и, Спа́се, блу́дствовавшия подража́х, о́них насле́довах осужде́ние, в пото́пе погруже́ния.**

**Согреши́х, Го́споди, согреши́х Тебе́, очисти́ мя: несть бо, и́же кто согреши́ в челове́цах, е́гоже не превзыдо́х прегреше́ньми.**

**Ха́ма о́наго, душе́, отцеуби́йца подража́вши, сра́ма не покры́ла еси́ и́скренняго, вспя́ть зря возврати́вшисья.**

**Благослове́ния Си́мова не насле́довала еси́, душе́ ока́йнная, ни пространное одержа́ние, я́коже Иа́феф, имела́ еси́ на земли́ оставле́ния.**

**От земли́ Харра́н, изы́ди от греха́, душе́ моя́, гряди́ в зе́млю, точа́щую присноживо́тное нетле́ние, е́же Авраа́м насле́дствова.**

**Авраа́ма слы́шала еси́, душе́ моя́, дре́вле оста́вльша зе́млю оте́чества, и бы́вша пришельца́, сего́ произво́ление подража́й.**

**У дуба́ Мамврийска́го учредив патриа́рх Ангелы́, насле́дствова по ста́рости обетова́ния лови́тву.**

**Исаа́ка, ока́йнная душе́ моя́, разумевши но́вую же́ртву, та́йно всесожже́нную Го́сподеви, подража́й е́го произво́ление.**

**Исма́ила слы́шала еси́, трезви́ся, душе́ моя́, изгна́на, я́ко рабы́нино отрожде́ние: виждь, да не ка́ко подо́бно что постра́ждеши, ласкосе́рдствующи.**

**Ага́ре дре́вле, душе́, египтяныне уподо́билася еси́, порабо́тившия произво́лением и ро́ждши но́ваго Исма́ила, презо́рство.**

**Иа́ковлю ле́ствицу разумела́ еси́, душе́ моя́, явля́емую от земли́ к Небесе́м: почто́ не имела́ еси́ восхода́ твёрда, благоче́стия?**

**Свяще́нника Бо́жия и ца́ря уедине́на, Христо́во подо́бие в ми́ре жити́я, в челове́цах подража́й.**

**Не бу́ди столп сла́ный, душе́, возврати́вшисья вспя́ть, образ да устраши́т тя содо́мский, горе́ в Сиго́р спаса́йся.**

**Запалéния, якоже Лот, бéгай, душé моя, грехá, бéгай Содóмы и Гомóрры, бéгай пла́мене всякаго безсловéснаго желáния.**

**Помíлуй, Гóсподи, помíлуй мя, вопию́ Ти, егда́ прийдёши со Ангелы Твоими́, возда́ти всем по достоя́нию дея́ний.**

**Моле́ния, Влады́ко, Тебе́ пою́щих не отвéржи, но ущéдри, Человеколю́бче, и пода́ждь véрою прося́щим оставле́ние.**

**Преподо́бная ма́ти Мари́е, моли́ Бо́га о нас.**

**Содержи́м есмь бу́рею и трево́лнением согрешéний; но сама́ мя, ма́ти, ны́не спаси́ и к пристáнищу Божéственнаго покая́ния возведи́.**

**Преподо́бная ма́ти Мари́е, моли́ Бо́га о нас.**

**Ра́бское моле́ние и ны́не, преподо́бная, принéсши ко благоутро́бней, моли́твами твоими́, Богороди́це, отвéрзи ми Божéственныя вхо́ды.**

**Преподо́бне о́тче Андре́е, моли́ Бо́га о нас.**

**Твоими́ моли́твами да́руй и мне оставле́ние долго́в, о Андре́е, Крíтский председа́телю! покая́ния бо ты тай́нник преизря́дный.**

**Сла́ва Отцу́ и Сы́ну и Свято́му Ду́ху.**

**Тро́ице Прóстая, Несозда́нная, Безнача́льное Естество́, в Тро́ице пева́емая Ипостáсей, спаси́ ны, véрою покланя́ющияся держа́ве Твоёй.**

**И ны́не и прíсно и во ве́ки веко́в. Ами́нь.**

**От Отца́ Безле́тна Сы́на, в ле́то, Богороди́тельнице, неискусому́жно родила́ еси́, страна́ное чу́до, пребы́вши Де́ва доя́щи.**

**Ирмос: Утверди́, Гóсподи:**

**Ектения малая.**

**Седален, глас 8:**

**Свети́ла богозра́чная, Спа́совы апо́столи, просвети́те нас во тьме жити́я, яко да во дни ны́не благообра́зно ходим, све́том воздержáния но́щных страсте́й отбегáюще, и све́тлыя Стра́сти Христо́вы у́зрим, ра́дующеся.**

**Сла́ва, други́й седален, глас тойже:**

**Апо́стольская двоенадеся́тице богоизбра́нная, мольбу́ Христу́ ны́не принеси́, по́стное по́прище всем преи́ти, соверша́ющим во умилéнии моли́твы, творя́щим усéрдно добродéтели; яко да си́це предвари́м видети́ Христа́ Бо́га сла́вное Воскресéние, сла́ву и хвалу́ принося́ще.**

**И ны́не, Богороди́чен:**

**Непостижи́маго Бо́га, Сы́на и Сло́во, несказáнно па́че ума́ из Тебе́ ро́ждшееся, моли́, Богороди́це, со апо́стола, мир вселéнней чи́стый пода́ти, и согрешéний да́ти нам пре́жде конца́ прощéние, и Царствия Небéснаго, край́няя ра́ди бла́гости, сподо́бити рабы́ Твоя́.**

**[Зде вычитываем по обычаю 2-ю статью жития.]**

## Песнь 4

Таже трипеснец, глас 8:\*

**Ирмос:** Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твое́ Божество́.

Святѣи апостоли, моли́те Бо́га о нас.

Воздержáнием пож́ивше, просвещ́ении Христо́вы апостоли, воздержáния вре́мя нам ходáтайствы Бож́ественными утиша́ют.

Святѣи апостоли, моли́те Бо́га о нас.

Двенадесятостру́нный орга́н, песнь воспé спасительную, ученико́в лик Бож́ественный, лука́вая возмуща́я гласова́ния.

Святѣи апостоли, моли́те Бо́га о нас.

Одожде́нием духо́вным всю подсолнечную напо́йте, су́шу отгна́вше многобо́жия, всеблаже́нии.

Пресвята́я Богороди́це, спаси́ нас.

Смирѣ́вшася, спаси́ мя, высокому́дренно пож́ившаго, ро́ждшая Возне́сшаго смире́нное естество́, Де́во Всечи́стая.

**Иный трипеснец, глас и ирмос тойже:** Услы́шах, Го́споди:

Святѣи апостоли, моли́те Бо́га о нас.

Апосто́льское всечестно́е ликостоя́ние, Зижди́теля всех моля́щее, проси́ поми́ловати ны, восхваля́ющия тя.

Святѣи апостоли, моли́те Бо́га о нас.

Яко де́латель сущ́е, Христо́вы апостоли, во всем ми́ре Бож́ественным сло́вом возде́лавшии, прино́сите плоды́ Ему́ всегда́.

Святѣи апостоли, моли́те Бо́га о нас.

Виногра́д бы́сте Христо́в воистинну возлю́бленный, вино́ бо духо́вное источи́те ми́ру, апостоли.

Пресвята́я Трѣ́ице, Бо́же наш, сла́ва Тебе́.

Прена́чальная, Сообра́зная, Всеси́льнейшая Трѣ́ице Свята́я, Отче, Сло́ве и Ду́ше Святы́й, Бо́же, Све́те и Животе́, сохрани́ ста́до Твое́.

Пресвята́я Богороди́це, спаси́ нас.

Ра́дуйся, престѣ́ле огнезра́чный, ра́дуйся, свети́льнице свеще́носный, ра́дуйся, горѣ́ освяще́ния, ковче́же Жи́зни, святы́х свята́я се́не.

**И паки Великаго канона ирмос и тропари.**

---

\* По обычаю ирмосы и тропари трипеснца не поются, а глаголются чтецом.